



DEPUTACIÓN PROVINCIAL
A CORUÑA

Servizo de Desenvolvemento Territorial e Transición Ecolóxica

Referencia: PEL-AUTONOMOS/AS / 2026

Expediente convocatoria: 2025000034998

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PROGRAMA DE SUBVENCÍONS DE APOIO AO EMPRENDEMENTO A TRAVÉS DO FINANCIAMENTO DAS COTAS SOCIAIS E/OU DO ALUGUEIRO DE OFICINAS, BAIXOS COMERCIAIS OU CENTROS DE TRABALLO A PERSOAS AUTÓNOMAS EN CONCELLOS DE MENOS DE 10.000 HABITANTES (PEL-AUTONOMOS/AS / 2026)

Don **VALENTÍN GONZÁLEZ FORMOSO**, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "Programa de subvencións de apoio ao emprendemento a través do financiamento das cotas sociais e/ou do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes", e vistos os informes do Servizo de Desenvolvemento Territorial e Transición Ecolóxica, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "Programa de subvencións de apoio ao emprendemento a través do financiamento das cotas sociais e/ou do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2026 coa suficiente antelación.

Segundo. Aprobar as Bases reguladoras do "Programa de subvencións de apoio ao emprendemento a través do financiamento das cotas sociais e/ou do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes", que figuran

no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar a convocatoria do Programa de subvencións de apoio ao emprendemento a través do financiamento das cotas sociais e/ou do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes, de conformidade coas bases reguladoras que figuran no Anexo - Bases Reguladoras.

O prazo de solicitude iniciárase ás 09:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Quinto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urgente.

Sexto. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.

ANEXO - BASES REGULADORAS

BASES REGULADORAS, EN RÉXIME DE CONCORRENCIA, DO PROGRAMA DE SUBVENCÍONS DE APOIO AO EMPRENDIMENTO A TRAVÉS DO FINANCIAMENTO DAS COTAS SOCIAIS E/OU DO ALUGUEIRO DE OFICINAS, BAIXOS COMERCIAIS OU CENTROS DE TRABALLO A PERSOAS AUTÓNOMAS NO ANO 2026 (PEL-AUTÓNOMOS/AS/2026)

Unidade xestora	Servizo de Desenvolvemento Territorial e Transición Ecolóxica
Sección	Desenvolvemento Territorial, Cooperación e Medio Ambiente
Anualidade	2026
Denominación	Liña 2.7. PEL-Autónomos/as: Programa de subvencións de apoio ao emprendemento a través do financiamento das cotas sociais e/ou do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes no ano 2026
Persoas beneficiarias	Persoas autónomas que desenvolvan unha actividade económica con ánimo de lucro, con domicilio fiscal nun concello da provincia da Coruña de menos de 10.000 habitantes
Programa	PEL-AUTÓNOMOS/AS 2026
Aplicación orzamentaria	0520/24100/479
Importe da convocatoria	1.200.000 € Este importe poderá ser obxecto de modificación orzamentaria
Importe do orzamento de gastos	Mínimo: 200 €/mes
Importe da subvención que se vai conceder	Mínimo: 1.200,00 € Máximo: 8.400,00 €
Importe solicitado	Cotas Seguridade Social: 200 euros/mes por cota subvencionable Alugueiros: dende 200 a 500 euros/mes por mensualidade de alugueiro
Gasto anticipado	Si, será de aplicación o establecido na Ordenanza xeral de subvencións e transferencias da Deputación da Coruña.

Exposición de motivos

O contido das presentes bases está enmarcado no establecido no artigo 40 da Constitución Española, nos obxectivos de crecemento e emprego da Unión Europea conforme á Estratexia Europea de Emprego e ao Plan de Acción do Piar Europeo de Dereitos Sociais que marcan como directrices impulsar a demanda de man de obra e apoiar os investimentos

que redunden na creación de empregos de calidade, aproveitando tamén o potencial relacionado coa transición ecolóxica e dixital, e na Axenda 2030 para o Desenvolvemento Sostible promovendo o crecemento económico sostido e facilitando a adopción de medidas urxentes contra o cambio climático a través dos obxectivos de desenvolvemento sostible incluídos na Axenda.

Na súa elaboración tivéronse en conta os datos do Observatorio de Seguimento de indicadores de emprego da Estratexia Europa 2020/2030 de marzo de 2024, publicados pola Secretaría de Estado de Trabajo.

A Deputación da Coruña, a través do Plan de Emprego Local (PEL), continúa amosando o seu apoio ao tecido empresarial da provincia, co obxectivo de acadar uns maiores niveis de desenvolvemento económico, de calidade no emprego, de benestar social e de cohesión do territorio. Estas axudas tratan de adoptar medidas que promovan un modelo de desenvolvemento económico que favoreza a capacidade creativa e emprendedora da provincia e o sostemento dos negocios, como fonte de riqueza e como elemento esencial para o crecemento, a mellora da competitividade e a modernización do tecido produtivo galego.

O Plan de Emprego Local constitúe unha estratexia integrada de cooperación para o desenvolvemento sostible da provincia que ten como principal obxectivo fixar poboación nos concellos da provincia e contribuír a un crecemento sostible dos mesmos promovendo a creación de emprego estable e de calidade a nivel local e facilitando a empregabilidade das persoas en situación de desemprego, especialmente no ámbito rural.

Estas axudas enmárcanse na liña 2.7 PEL-AUTÓNOMOS/AS do Plan de Emprego Local da Deputación da Coruña para o período 2026, para sufragar parte das cotas da Seguridade Social do período 2026 de persoas autónomas e/ou o financiamento do alugueiro de oficinas, baixos comerciais ou centros de traballo a persoas autónomas en concellos de menos de 10.000 habitantes. Con elas a Deputación da Coruña quere facilitar tanto a posta en marcha de novos proxectos empresariais innovadores, así como apoiar aos xa existentes, co fin de estimular e impulsar a recuperación do tecido empresarial na provincia da Coruña, fomentando o desenvolvemento equilibrado do territorio provincial e favorecendo a creación de emprego a través da creación de empresas por parte de novas persoas emprendedoras dentro do marco da Estratexia anual de Crecemento sostible da Unión Europea.

Coa finalidade de reforzar o apoio ás empresas da provincia nos sectores estratéxicos emerxentes, priorízanse nestas axudas PEL aquelas iniciativas empresariais con actividades económicas enmarcadas en determinados sectores correspondentes a estratexias estatais e europeas. Estes sectores están contemplados na Estratexia de Especialización Intelixente (RIS3), que define as prioridades e obxectivos aos que se enfoca o investimento de I+D+i en Galicia no período 2021-2027.

Tamén se tivo en conta á hora de determinar os sectores prioritarios aqueles encadrados nos obxectivos do Plan Estratéxico de Galicia 2022-2030, en concreto os referidos ao reto demográfico e á economía dos coidados, fomento dunha economía fundada no uso de enerxías que procuren un menor impacto ambiental, fomento da economía circular e da eficiencia no ciclo da auga, favorecer o turismo sustentable, aumentar a rendibilidade e competitividade da industria agroalimentaria e consolidar unha cultura de crecemento a partir

da innovación e a I+D.

Ademais dos sectores recollidos nesta Axenda, existen outros sectores que son un eixo fundamental na economía galega, como son os sectores do Comercio e Turismo. Dado o seu elevado peso na estrutura produtiva e no emprego, a economía galega é moi sensible á evolución do turismo e do comercio polo que a Deputación da Coruña trata tamén de favorecer a estes sectores nas súas axudas.

Priorízanse nestas axudas a aquelas empresas situadas en municipios da provincia que teñen asinados convenios para a Transición Xusta, que garantan a persoas traballadoras e territorios afectados pola transición cara a unha economía máis ecolóxica, baixa en carbono, un tratamento equitativo e solidario, minimizando os impactos negativos sobre o emprego e o despoboamento destes territorios.

A administración do Estado, a través do Instituto para a Transición Xusta (ITX) apoia proxectos e novas liñas de axudas para impulsar o desenvolvemento económico nas zonas de As Pontes e Meirama. Neste caso a Deputación trata de favorecer tamén o desenvolvemento económico destas zonas outorgando unha maior valoración a empresas de municipios de Transición Xusta.

Base 1. Réxime xurídico

O marco normativo polo que se rexerán as subvencións concedidas pola Deputación é o establecido na Ordenanza xeral de subvencións e transferencias da Deputación da Coruña.

A presente subvención está incluída no plan estratéxico provincial de subvencións da Deputación 2025-2027 aprobado polo Pleno da Corporación en sesión ordinaria do 27 de setembro do 2024 e contribúe ao logro dos obxectivos incorporados no dito plan, en particular ao Obxectivo Estratéxico 3: "Impulsar o desenvolvemento económico e social da provincia coa implementación de políticas públicas que contribúan a xerar riqueza no territorio e contribúan a frear o despoboamento", e aos seus obxectivos operativos O.10 (fomentar o desenvolvemento de sectores estratéxicos, a competitividade e a xeración de emprego na provincia), O.11 (favorecer o mantemento e a recuperación demográfica do medio rural), O.14 (impulsar a creación de empresas e fomentar o emprendemento) e O.15 (apoiar ao tecido empresarial provincial), mediante o fomento do emprendemento e o traballo por conta propia nos municipios da provincia da Coruña.

Base 2. Obxecto e finalidade

2.1 Obxecto e finalidade

O **obxecto** é regular as axudas da Liña 2.7. PEL Autónomos/as, para sufragar parte das cotas da Seguridade Social e/ou financiar o alugueiro de oficinas, baixos comerciais ou

centros de traballo, a persoas autónomas.

A **finalidade** destas axudas é o fomento do emprendemento e o traballo por conta propia nos municipios da provincia da Coruña de menos de 10.000 habitantes poñendo en marcha mecanismos necesarios para a supervivencia e o fortalecemento do tecido empresarial autónomo.

2.2 Ámbito temporal

Subvencionaranse exclusivamente as cotas sociais e/ou as mensualidades de alugueiro correspondentes á anualidade 2026.

Os gastos subvencionables serán aqueles realizados **entre o 1 de xaneiro e o 31 de decembro de 2026**.

Base 3. Solicitantes

Poderán solicitar estas axudas as persoas autónomas que realicen unha actividade profesional ou empresarial e que reúnan os seguintes requisitos:

- Non ter sido persoa beneficiaria na anualidade 2025 das axudas PEL-AUTÓNOMOS/AS.

Este requisito aplicarase a todas as persoas autónomas que teñan sido beneficiarios/as por Resolución de concesión na convocatoria 2025 de PEL-AUTÓNOMOS/AS.

- Ter o domicilio fiscal e como mínimo un centro de traballo^(*) nun municipio da provincia da Coruña de poboación inferior a 10.000 habitantes, conforme os datos máis recentes dispoñibles no Instituto Galego de Estadística e segundo o recollido no correspondente Certificado da Axencia Estatal da Administración Tributaria (AEAT) no momento de presentar a solicitude.
- Con anterioridade á data de publicación da convocatoria:
 - Estar en alta no Réxime Especial de Traballadores Autónomos (RETA) ou calquera outro réxime especial ou sistema especial por conta propia da Seguridade Social.
 - Estar en alta como titular dalgunha actividade profesional ou empresarial que figure recollida no Certificado de Situación Censual da AEAT.

^(*) No caso de solicitar exclusivamente as cotas correspondentes ao réxime da Seguridade Social, poderán acceder á subvención aqueles/as solicitantes que non dispoñan de centro de traballo, sempre que conste no correspondente Certificado emitido pola AEAT que a actividade se desenvolve fóra dun local determinado ou, non exista obriga legal de dispoñer de centro de traballo

Base 4. Gastos subvencionables

4.1 Gastos subvencionables

Terán a consideración de gastos subvencionables para as persoas autónomas, e sempre que non reciban ningún tipo de axuda ou concepto similar definido na base 5_Compatibilidades e exclusións, os seguintes:

- As cotas mensuais da Seguridade Social correspondentes ao réxime por conta propia do ano 2026.
- Os gastos mensuais correspondentes ao ano 2026 dos alugueiros de oficinas, baixos comerciais ou centros de traballo onde se leve a cabo unha actividade económica dada de alta no IAE.

As persoas solicitantes poderán solicitar a subvención para ambos conceptos ou únicamente para un deles, segundo as súas necesidades. Os gastos imputaranse ás seguintes contas contables:

Conta	Descrición da conta
642	Seguridade Social a cargo da Entidade
621	Alugueiros e cánones

4.2 Consideracións respecto aos gastos subvencionables

Consideración sobre a axuda para cotas sociais:

Non serán subvencionables as cotas sociais correspondentes a períodos de tempo inferiores a un mes natural, ben por alta inicial nun día distinto ao primeiro do mes ou porque parte da mensualidade non é asumida pola persoa autónoma, nin en todo caso as cotas completas inferiores a 200 €.

Consideracións sobre a axuda para alugueiro:

- A persoa solicitante deberá ter un contrato por escrito de arrendamento dun local para desenvolver a actividade económica, subscrito pola persoa autónoma titular da actividade económica consonte o certificado da AEAT, cunha duración inicial ou prórroga igual ou superior a 1 ano.
- A axuda quedará limitada a un único local en alugueiro.
- O local alugado deberá estar situado nun concello da provincia da Coruña de poboación inferior a 10.000 habitantes e figurar expresamente como local directamente afecto á actividade económica dada de alta no IAE segundo o recollido no correspondente Certificado da Axencia Estatal da Administración Tributaria.

- Non se admitirá o pago en metálico do arrendamento, debendo constar acreditado o pagamento mediante calquera modalidade de pago bancario que cumpra os requisitos referidas no artigo 28.2 da Ordenanza de Subvencións e transferencias da Diputación da Coruña (BOP núm. 185 de 29 de setembro de 2025).

Non serán subvencionables:

- As mensualidades por alugueiro correspondentes a períodos de tempo inferiores a un mes natural nin, en todo caso, as cuantías mensuais inferiores a 200 €.
- Os alugueiros de vivendas (aínda que a persoa autónoma desgrabe parcialmente os gastos por traballar dende a casa), almacéns ou depósitos, garaxes, ou calquera outro inmovible que conste como local indirectamente afecto á actividade económica no correspondente Certificado da AEAT.
- O Imposto sobre o Valor Engadido (IVE).
- Os contratos de alugueiro con opción de compra ou calquera outro concepto, prima ou opción distinta do simple arrendamento.
- O pago de espazos de coworking, ou calquera tipo de arrendamento dun espazo de traballo compartido.

O pago de outros servizos ou gastos correntes como luz, auga, internet, taxas públicas, IBI, seguro, etc. Tamén se exclúen as obras e os servizos prestados por terceiros distintos do propio alugueiro.

4.3 Contía

Axuda para cotas sociais:

A axuda consistirá nunha contía fixa de 200 € por cada mes no que se cumpran os requisitos dende un mínimo de 6 meses ata un máximo de 12 meses, conforme ao seguinte cadro:

Contía máxima correspondente a 12 meses	2.400 €
Contía correspondente a 11 meses	2.200 €
Contía correspondente a 10 meses	2.000 €
Contía correspondente a 9 meses	1.800 €
Contía correspondente a 8 meses	1.600 €
Contía correspondente a 7 meses	1.400 €
Contía mínima correspondente a 6 meses	1.200 €

Axuda para alugueiro:

A axuda consistirá nunha contía fixa por mes, equivalente ao prezo de alugueiro mensual efectivamente pagado pola persoa solicitante, IVE excluído. Esta axuda terá unha contía

mínima de 200 € e máxima de 500 € por cada mes no que se cumpran os requisitos, dende un mínimo de 6 meses ata un máximo de 12 meses, consonte a seguinte fórmula:

$$\text{Contía mensual alugueiro efectivamente pagada (igual ou superior a 200 € e que non exceda de 500 €)} \times \text{Número de mensualidades completas pagadas no ano 2026 (entre 6 e 12 mensualidades)} = \text{Contía da axuda}$$

No caso de que o alugueiro mensual sexa superior a 500 € poderase solicitar a axuda ata esa contía máxima.

Base 5. Compatibilidades e exclusións

5.1 Compatibilidade con outras axudas

Compatibilidade con outras axudas do PEL: As subvencións PEL son compatibles entre si.

Compatibilidade con outras axudas da Deputación: Esta axuda será incompatible con calquera outra axuda concedida por esta Deputación para financiar os mesmos conceptos subvencionados.

Compatibilidade con outras axudas públicas ou privadas: Esta axuda será incompatible con calquera outra axuda pública ou privada para financiar os mesmos conceptos subvencionados por esta convocatoria.

No caso de que se perciban axudas durante unha parte do ano, poderá solicitarse por aquelas mensualidades onde non se perciban tales axudas, **sempre que o número de ditas mensualidades sexa igual ou superior a seis meses.**

No caso de solicitar a subvención de parte das cotas sociais, quedan comprendidas como **axudas públicas ou privadas** as subvencións, bonificacións, tarifas planas, reducións e ceses de actividade ou calquera outras que **supoñan que a persoa beneficiaria vexa reducida a súa achega por razón de cotas ao correspondente réxime** especial da Seguridade Social, concedidas por entidades ou organismos públicos o privados.

Estas axudas, acollidas ao réxime de minimis, deberán cumprir as condicións e límites aplicables á actividade económica destino da axuda.

5.2 Exclusións

Exclúense destas axudas as persoas **autónomas colaboradoras**, as persoas traballadoras **económicamente dependentes (TRADES)** reguladas na Lei 20/2007 do Estatuto do Traballador Autónomo, as persoas **mutualistas de colexios profesionais**, e as persoas **autónomas societarias**.

Entenderase como persoas traballadoras económicamente dependentes (TRADES) aquelas que realizan una actividade económica ou profesional a título lucrativo e de forma habitual, persoal, directa e predominante para unha persoa física ou xurídica, denominada cliente, da que dependen económicamente por percibir de ela, alomenos, o 75 por cento dos seus ingresos por rendimentos de traballo e de actividades económicas ou profesionais.

Entenderase como persoas mutualistas de colexios profesionais aquelas que se atopen de alta en Mutualidades profesionais como sistema alternativo á alta obrigatoria no Réxime Especial de Traballadores Autónomos.

Entenderase como persoas autónomas societarias aquelas que, participando na titularidade ou administración dunha entidade empresarial societaria, estean obrigadas á alta no sistema especial de traballadores por conta propia ou Autónomos, segundo o recollido no Real Decreto Lexislativo 8/2015, de 30 de outubro, polo que se aproba o Texto refundido da Lei Xeral da seguridade Social e a súa normativa de desenvolvemento, e non desempeñen unha actividade empresarial independente e separada da desenvolvida pola persoa xurídica na que participan.

No caso de solicitantes cunha actividade económica da agrupación 86 (Aluguer de bens inmobles) recollida no Certificado de Situación Censual, só poderá considerarse válida cando para o desenvolvemento desta actividade se dispoña, alomenos, dunha persoa empregada con contrato laboral a xornada completa.

Base 6. Forma e prazo da solicitude

Non se admitirá máis dunha solicitude por persoa autónoma.

A forma de presentación da solicitude será a que se indica na Ordenanza xeral de subvencións e transferencias da Deputación Provincial da Coruña.

O prazo de presentación de solicitudes determinarase na convocatoria, que se publicará no BOP, por conduto da Base de Datos Nacional de Subvencións.

Os datos persoais facilitados serán tratados pola Deputación da Coruña, como responsable do tratamento, co fin de levar a cabo a tramitación administrativa dos programas de subvención. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Máis información na [Política de Privacidade](#) da Deputación.

Base 7. Compromisos e obrigas

7.1 Compromisos específicos das persoas beneficiarias

As persoas beneficiarias da liña PEL Autónomos/as, ademais dos compromisos sinalados na

Ordenanza xeral de subvencións e transferencias da Deputación da Coruña, deberán cumprir cos seguintes compromisos e obrigas específicos:

- Estar de alta no Réxime Especial de Traballadores Autónomos e manter a actividade económica de maneira ininterrompida como mínimo ata o **31 de decembro de 2026**. Non terá a consideración de interrupción desta obriga os ceses de actividade que non den lugar a baixa no correspondente réxime de seguridade social e no censo de actividades económicas.
- Comunicar a través da Plataforma de tramitación telemática SUBTEL calquera modificación que afecte á solicitude inicial realizada sen que en ningún caso implique cambio en ningún criterio valorable, nin aumento do importe concedido.
- Dispoñer de todas as licencias, títulos habilitantes, comunicacións previas e/ou inscricións rexistradas que sexan preceptivas para o desenvolvemento das actividades que figuren dadas de alta no Certificado de Situación Censual.

A Deputación poderá comprobar o efectivo cumprimento destas cláusulas a través da correspondente actuación de control financeiro.

7.2 Difusión do apoio da Deputación

A difusión do carácter público do financiamento deberá levarse a cabo das seguintes formas:

No centro de traballo

Colocación dun cartel a cor cun tamaño mínimo de 210 x 297 mm en posición horizontal, en lugar visible para o público no espazo de traballo ou, en caso de carecer deste, nun lugar relacionado coa actividade empresarial, co logotipo da Deputación da Coruña e o do Plan de Emprego Local.

Na páxina web

Debe figurar expresamente o logotipo da Deputación da Coruña e o do Plan de Emprego Local nun lugar preferente da páxina web da empresa, de existir esta.

O único logotipo válido é o que estará dispoñible na páxina web do Plan de Emprego Local (<https://emprego.dacoruna.gal/axudas>).

Estas obrigas entenderanse como mínimo desde a data de concesión e durante todo o período subvencionado.

Base 8. Valoración das solicitudes e procedemento de concesión

8.1 Criterios de valoración

A Unidade xestora recollerá a puntuación total de acordo cos seguintes criterios de

valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un **Check-List de valoración** dispoñible en SUBTEL que marcará cada persoa solicitante no momento de cubrir a solicitude.

A puntuación total das solicitudes obterase mediante a suma automática da puntuación dos criterios de valoración indicados a continuación.

CRITERIOS DE VALORACIÓN DA LIÑA PEL-Autónomos/as			
	CRITERIOS DE VALORACIÓN	ASPECTOS A VALORAR	PUNTUACIÓN MÁXIMA (18 puntos)
1	Poboación do municipio no que se atope o domicilio fiscal da empresa <i>Datos de poboación segundo os últimos datos dispoñibles no Instituto Galego de Estadística (IGE)</i> Máximo 3 puntos	Menor ou igual a 2.000 habitantes	3
		De 2.001 a 4.000 habitantes	2
		De 4.001 a 5.000 habitantes	1
2	Actividade económica da persoa solicitante Teranse en conta as actividades económicas que consten de alta no Certificado de Situación Censual da persoa solicitante <i>Datos referidos á data anterior á de publicación da convocatoria.</i> Máximo 3 puntos	Solicitantes de sectores estratéxicos (só aqueles indicados no Anexo III destas bases), con exclusión dos sectores agrícola, gandeiro, forestal e pesqueiro	3
		Solicitantes dos sectores agrícola, gandeiro, forestal e pesqueiro (indicados no anexo III destas bases)	1
3	Solicitantes de municipios de Transición Xusta <i>Datos referidos ó momento de presentar a solicitude.</i> 2 puntos	Solicitantes con centro de traballo ou domicilio fiscal (só no caso de non dispor de centro de traballo) nun municipio con convenio de Transición Xusta (Anexo IV)	2
4	Non ter sido beneficiario/a en ningunha convocatoria de PEL Autónomos/as (*) 10 puntos	Se a persoa solicitante non foi beneficiaria desta axuda en ningunha convocatoria de PEL Autónomos/as	10

(*) Non obterán puntuación neste apartado 4 aqueles/as que teñan sido beneficiarios/as por Resolución de concesión nalgunha convocatoria anterior de Pel-Autónomos/as ou Pel-

8.2 Procedemento de concesión

O procedemento de concesión destas subvencións tramítase mediante o réxime de concorrència competitiva, e o tipo de concesión será o de **concesión definitiva**, segundo o regulado nas bases xerais destas axudas.

Base 9. Xustificación e pago

9.1 Xustificación da subvención

A persoa beneficiaria da subvención deberá presentar na plataforma SUBTEL, no apartado de xustificación, a documentación recollida no Anexo II. Documentación da xustificación.

9.2 Prazo de xustificación

A persoa beneficiaria non deberá achegar a documentación xustificativa ata que teña pagadas todas as cotas sociais correspondentes á anualidade 2026 e dispoña da documentación requirida no Anexo II. Documentación da xustificación.

O prazo para a xustificación das subvencións rematará o día **31 de marzo de 2027**.

Base 10. Incumprimentos e sancións

Será de aplicación o disposto no capítulo VI da Ordenanza xeral de subvencións e transferencias da Deputación da Coruña.

ANEXOS DOCUMENTACIÓN

ANEXO I. Documentación da solicitude

Declaracións:

- Declaro que cumpro todos os requisitos esixidos ás persoas solicitantes na lexislación vixente en materia de subvencións, nas bases reguladoras da presente convocatoria, na Ordenanza xeral de subvencións e transferencias da Deputación Provincial da Coruña, e no caso de resultar beneficiario/a da subvención

comprométome a cumprir fielmente todos os compromisos e obrigas recollidos nas mesmas e a acreditar de forma fidedigna o seu cumprimento no caso de ser requirida pola Deputación.

- Declaro que a actividade económica que realizo conta con todos os permisos, autorizacións, declaracións responsables e habilitacións profesionais, e que cumpren coa normativa reguladora para realizala.

Declaro o meu compromiso de manter a alta da actividade económica e do correspondente Réxime ou Sistema Especial de Traballadores Autónomos por conta propia de maneira ininterrompida ata o 31 de decembro de 2026 no caso de ser concedida a subvención solicitada.

Documentación común:

- Certificacións das administracións tributarias correspondentes e da Tesourería da Seguridade Social nas que se acredite que a persoa solicitante está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- **Certificado de Situación Censual da Axencia Estatal Tributaria** actualizado.
- **Certificado de situación no censo de actividades económicas da AEAT** actualizado.
- **Informe de Vida laboral** da persoa autónoma actualizado onde conste a data de alta no RETA.
- **Autorización de representación** para a presentación da solicitude en caso de non coincidir coa persoa solicitante. (Modelo dispoñible en SUBTeL)
- Compromiso de facer o cargo das cotas de autónomos da Tesourería da Seguridade Social e/ou dos pagos polo arrendamento obxecto desta axuda nunha conta bancaria da que o/a solicitante desta subvención é titular.
- Anexo das Axudas públicas baixo o Réxime de mínimos solicitadas e/ou recibidas nos 3 últimos anos. (Modelo dispoñible en SUBTeL)

A persoa solicitante deberá presentar a documentación esixida segundo os modelos que figuran na plataforma SUBTeL.

Documentación específica Axuda para alugueiro:

- **Contrato de arrendamento** formalizado por escrito e subscrito pola persoa solicitante, que detalle as condicións do acordo, incluíndo duración, precio, periodicidade de pago e obrigas das partes.

ANEXO II. Documentación da xustificación

Declaracións:

- No caso en que o gasto xustificado adecuadamente sexa inferior á subvención concedida: RENUNCIO á parte da achega provincial non xustificada.
- No caso en que a xustificación se presente fóra de prazo: ACEPTO a sanción que corresponde e consinto en efectuar voluntariamente o pagamento desta mediante compensación no pago da subvención, e non presentarei alegacións nin recurso algún ao respecto. (Esta declaración suporá unha REDUCCIÓN DO IMPORTE DA SANCIÓN DUN 90%).
- No caso de ser beneficiario/a por cotas da Seguridade Social, declaro que o cargo das cotas de autónomos da Tesourería da Seguridade Social obxecto desta axuda fíxose nunha conta bancaria da que a persoa beneficiaria desta subvención é titular.
- No caso de ser beneficiario/a por gastos de alugueiro declaro que se realizaron todas as declaracións-liquidacións das retencións practicadas por IRPF e o seu ingreso a prol da Axencia Tributaria, así como as restantes obrigas tributarias correspondentes ao arrendatario, e que conto cos xustificantes para acreditarlo se se me requirise.
- Declaro que desde antes da publicación da convocatoria e ata 31 de decembro do 2026 estiven dado de alta no Réxime ou Sistema Especial de Traballadores Autónomos por conta propia e mantiven a actividade económica de maneira ininterrompida.

Documentación común:

- Certificacións das administracións tributarias correspondentes e da Tesourería da Seguridade Social nas que se acredite que a persoa solicitante está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- **Memoria xustificativa**, segundo o modelo dispoñible en Subtel.
- **Relación clasificada dos gastos**, que se cubrirá na plataforma telemática Subtel.
- **Certificación de gastos realizados**, que se xera automaticamente unha vez cumprimentada a relación clasificada dos gastos realizados.
- Relación dos ingresos de natureza pública ou privada obtidos para a mesma finalidade, con indicación do seu importe e procedencia ou, pola contra, manifestación de que non se obtiveron outros ingresos para a mesma finalidade.
- No caso de percibir axudas públicas en réxime de minimis non indicadas previamente na solicitude (Anexo das Axudas públicas baixo o Réxime de mínimos solicitadas e/ou recibidas nos 3 últimos anos) deberá achegarse

certificación/declaración de axudas de minimis.

Acreditación gráfica da difusión do carácter público do financiamento publicidade realizada segundo o indicado na base 7.2. *Documentación adicional no caso de que non se estea de alta na base de datos de terceiros da Deputación provincial da Coruña ou teña intención de asignar unha nova conta bancaria:*

- **Modelo de designación de conta bancaria** para incluír no Rexistro de terceiros, aos efectos de domiciliación dos pagos na Deputación de A Coruña.
- **Certificado acreditativo da titularidade da conta**, emitido pola entidade bancaria correspondente.

Documentación Axuda para cotas sociais:

- **Informe de bases e cotas ingresadas** emitido pola Tesourería da Seguridade Social.
- **Informe de Datos para a Cotización/Traballadores por Conta Propia (Idc/cp-100)**, só no caso de cotizar no réxime especial de traballadores/as do mar ou agrario.

Documentación Axuda de alugueiro:

- **No seu caso, modificación do contrato de alugueiro** formalizado por escrito e subscrito pola persoa solicitante, que detalle as condicións do acordo, incluíndo duración, precio e obrigas das partes, por prazo igual ou superior a 1 ano.
- **Relación clasificada das mensualidades de alugueiro**, que se cubrirá na plataforma telemática Subtel e nela deberán achegar as **facturas/recibos** de pago (mensual) do arrendamento efectivamente realizadas.
- **Xustificantes bancarios** acreditativos **do pago** do alugueiro por cada unha das mensualidades presentadas.

A persoa beneficiaria deberá presentar a documentación esixida segundo os modelos que figuran na plataforma SUBTeL.

ANEXO III. Actividades económicas valorables

Actividades económicas a valorar segundo a base 8 dos criterios de valoración:

Actividade económica da persoa solicitante

(aquelas persoas solicitantes que non teñan de alta estas actividades non recibirán puntuación neste criterio de valoración)

SECTOR	ACTIVIDADE	SECCIÓN	DIVISIÓN	GRUPO EPÍGRAFE
--------	------------	---------	----------	-------------------

Actividades económicas a valorar segundo a base 8 dos criterios de valoración: Actividade económica da persoa solicitante (aquelas persoas solicitantes que non teñan de alta estas actividades non recibirán puntuación neste criterio de valoración)				
SECTORES AGRÍCOLAS, GANDEIROS, FORESTAIS E SECTOR PESQUEIRO	EMPRESARIAL	1	0	011 a 071
	PROFESIONAL	2	0	012, 013, 021, 022, 024 e 099
	*Estarán tamén incluídas aquelas persoas solicitantes nas que conforme ao artigo 78.2 do RD Lexislativo 2/2004, de 5 de marzo, polo que se aproba o texto refundido da Lei Reguladora de Facendas Locais, non teñen a consideración de actividades empresariais aos efectos do IAE e non quedan suxeitas o feito impoñible de este imposto, pertencentes aos seguintes Código/Actividade: B01 Agrícola; B02 Gandeira; B03 Forestal; B04 Producción de mexillón en batea; B05 Pesqueira			
CONSTRUCCIÓN DE VEHÍCULOS E TRANSICIÓN A UNHA MOBILIDADE SOSTIBLE	EMPRESARIAL	1	3	361 a 363 383.1 a 383.5 389.1 a 389.9
INDUSTRIA DA MADEIRA	EMPRESARIAL	1	4	461 a 468 473
OUTRAS PRODUCIÓNS DE ENERXÍA	EMPRESARIAL	1	1	151.4
CONSTRUCCIÓN NAVAL, REPARACIÓN E MANTEMENTO DE BUQUES	EMPRESARIAL	1	3	371 e 372
	PROFESIONAL	2	2	212 e 228
INDUSTRIA AERONÁUTICA	EMPRESARIAL	1	3	382 391.2
	PROFESIONAL	2	2	211, 221 e 299
INDUSTRIAS DA PEDRA NATURAL	EMPRESARIAL	1	2	231.2 244.2 a 244.3 245
CONSTRUCCIÓN DE	EMPRESARIAL	1	3	321 393

Actividades económicas a valorar segundo a base 8 dos criterios de valoración: Actividade económica da persoa solicitante (aquelas persoas solicitantes que non teñan de alta estas actividades non recibirán puntuación neste criterio de valoración)				
MAQUINARIA				324.1 329.1
	PROFESIONAL	2	2	311 e 321
ARTES GRÁFICAS E EDICIÓN	EMPRESARIAL	1	4	431.1 a 455.9
				474.1 a 476.9
	PROFESIONAL	2	3	322
INDUSTRIA AUDIOVISUAL	EMPRESARIAL	1	3, 4, 9	393 (unicamente referido a material fotográfico e cinematográfico); 493; 961 a 963 973.1 (servizos fotográficos)
TRANSPORTE	EMPRESARIAL	1	7	722
INDUSTRIA DE PRODUCTOS ALIMENTICIOS E BEBIDAS	EMPRESARIAL	1	4	411 a 428
COMERCIO	EMPRESARIAL	1	6	611 a 645 (con exclusión do epígrafe 631) 647 a 665 (con exclusión do epígrafe 652.1)
TELECOMUNICACIÓNS E ACTIVIDADES INFORMÁTICAS	EMPRESARIAL	1	8	843.1 a 843.9 (só servizos informáticos)
	PROFESIONAL	2	2	213, 222 e 225
			7	762 a 765

Actividades económicas a valorar segundo a base 8 dos criterios de valoración: Actividade económica da persoa solicitante (aquelas persoas solicitantes que non teñan de alta estas actividades non recibirán puntuación neste criterio de valoración)				
INDUSTRIA DOS COIDADOS	EMPRESARIAL	1	9	951 e 952 931.1
TURISMO	EMPRESARIAL	1	6	681 a 687 855.2 e 855.3
	PROFESIONAL	2	5 e 8	521; 882 e 883
INVESTIGACIÓN	EMPRESARIAL	1	9	936.1 a 936.9 991
INDUSTRIAS CREATIVAS	PROFESIONAL	2	7 e 8	751 861 e 862
INDUSTRIA TÉXTIL	EMPRESARIAL	1	4	431 a 455
ARTESANÍA E OUTRAS ACTIVIDADES VENCELLADAS (*)	EMPRESARIAL	1	2, 9	246.2, 246.5 e 246.6 247.2 e 247.4 253.6 255.1 a 255.3 316.2 e 316.4 399.1, 399.3, 399.8 e 399.9 491 e 492 494 e 495 971.2 e 971.3
	PROFESIONAL	2	8	861 e 862

(*) Só se entenderán como artesanais aquelas actividades que reúnan os requisitos previstos na normativa reguladora e que contén coa certificación acreditativa.

Esta táboa de actividades foi elaborada tomando como referencia as actividades económicas recollidas como sectores prioritarios na **Estratexia de especialización intelixente (RIS3)**, pero adaptando as actividades a aquelas máis importantes na provincia da Coruña.

As persoas solicitantes que teñan de alta epígrafes do IAE non comprendidos na táboa anterior e realicen actividades económicas da mesma natureza que as sinaladas nestes epígrafes, poderán acreditarlo documentalmentemente mediante o certificado de vida laboral, cando haxa coincidencia entre o obxecto social ou código CNAE que consten en ditos documentos.

ANEXO IV. Municipios con convenios de Transición Xusta con poboación inferior a 10.000 habitantes (municipios a valorar segundo o criterio 3 da base 8)

MUNICIPIOS DE TRANSICIÓN XUSTA	
CONVENIO	MUNICIPIO
As Pontes	Cabanas
	A Capela
	Cerdido
	Mañón
	Moeche
	Monfero
	Ortigueira
	As Pontes
	San Sadurniño
	As Somozas
Meirama	Carral
	Cerceda
	Tordoia

ANEXO - EXTRACTO DA CONVOCATORIA

GALEGO

Primeiro. Beneficiarios

Persoas autónomas: que desenvolvan unha actividade económica con ánimo de lucro, con domicilio fiscal nun concello da provincia da Coruña de menos de 10.000 habitantes

Segundo. Obxecto

Axudas para sufragar parte das cotas da seguridade social correspondentes ao réxime especial ou sistema especial por conta propia, e/ou do alugueiro de oficinas, baixos comerciais ou centros de traballo do ano 2026 de persoas autónomas nos meses que non reciben outras axudas.

Terceiro. Bases reguladoras

A presente convocatoria rexerá polas Bases reguladoras publicadas no BOP.

Cuarto. Contía

1.200.000 €

Quinto. Prazo de presentación de solicitudes

O prazo de solicitude iniciárase ás 09:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes coma o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Sexto. Outros datos de interese

O prazo de presentación de solicitudes que será do 15/11/2025, ás 09:00 horas ata o 16/12/2025, ás 14:00 horas.

CASTELLANO

Primero. Beneficiarios

Personas autónomas que desarrollen una actividad económica con ánimo de lucro y con domicilio fiscal en un municipio de la provincia de Coruña de menos de 10.000 habitantes

Segundo. Objeto

Ayudas para sufragar parte de las cuotas de la seguridad social correspondientes al régimen especial o sistema especial por cuenta propia, y/o del alquiler de oficinas, bajos comerciales o centros de trabajo del año 2026 de personas autónomas en los meses que no reciben otras ayudas

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

1.200.000 €

Quinto. Plazo de presentación de solicitudes

El plazo de solicitud se iniciará a las 09:00 horas del día 15 de noviembre de 2025, y finalizará a las 14:00 horas del día 16 de diciembre de 2025, toda vez que, tanto las solicitudes como el resto de la tramitación del programa, se realizará por vía telemática a través de la plataforma SUBTEL, accesible desde la sede electrónica de la Diputación provincial de A Coruña.

Sexto. Otros datos de interés

El plazo de presentación de solicitudes será del 15/11/2025, a las 09:00 horas hasta el 16/12/2025, a las 14:00 horas.